



**Cogitationes, Sive Considerationes Christianae Pro
singulis Anni diebus**

Complectens Octobrem, Novembrem, Decembrem

Nepveu, François

Monachii, 1709

Dies 11. De peccato Acedæ.

[urn:nbn:de:hbz:466:1-60533](#)

DIES XI.

De Peccato Acediæ.

I.

ACEDIA peccatis capitalibus annumera-tur, quia multorum aliorum fons est; pleraque enim peccata omissionis, quo-rum ingens est numerus, ejus sunt effectus. Ea est fastidium quoddam virtutis conju-nctum cum ingenti negligentia muneris sui partes cognoscendi, idque ritè obeundi, ob difficultatem, quæ in eo invenitur, quāmque superandi animo caremus. Est peccatum valdè commune, & parùm co-gnatum. Obligationes nostras ignorare cupimus, quia implere eas nolumus: si ve-rò eas cognoscamus, multos obtentus ex-cogitamus, mollitiei, imbecillitatis, infirmitatis, difficultatis, impotentiae, ut illas à nobis amoveamus. Sic servus ille desidiosus in Evangelio, qui cùm talentō sibi commissō negotiari debuisset, negli-gentiæ suæ obtendebat Domini sui auste-ritatem: *scio, quia homo austerus es; metis, u-
bi non seminasti.* Si ipsi crederemus, omnis error Domino attribui deberet. Quām multi talenta sua sepeliunt, eaq; sibi ipsis

C 3

ab-

October.

abscondunt metu laboris , quem eorum u-
sui impendere deberent. Denique desidio-
sus se ipsum cæcum reddit , ne acediæ suæ
perspiciat effectus , veritus , ne è misero
sopore , ob quem se felicem reputat , ex-
pergisci cogatur: cùm enim violentis ani-
mi motibus careat , nec multùm se move-
re , nec vim sibi inferre cupiat , quod ta-
men ad gravia scelera perpetranda aliquo-
ties necessarium est , probum se credit ,
quia valdè sceleratus esse non potest.

II. Acedia aliquoties è corporis habitu-
dine , ingenij tarditate , animi debilitate,
ex ignavia , & timiditate naturali oritur.
Philosophus censet , magnanimos aliquo-
ties ignavos esse : sed hoc provenit à causa
priori penitus contraria ; quia nempe pau-
ca contingunt digna , queis commoveri
se finant. Superbia participare aliquid
ab acedia potest : nolumus aliquid in nos
fuscipere , veriti , ne id è sententia nobis
haud succedat , ne & exiguuus successus
aliquam sui depressionem , & despici-
entiam pariat. Ignavi non raro etiam
virtuti tribuunt socordiæ suæ partus , de-
missioni namque , ac moderationi adscri-
bunt contemptum , quo excellentias , &
functiones splendidas , atque sublimitates
fugiunt ; licet hoc frequenter non sit , nisi

me-

merus laborum horror, quos subire debe- October.
rent, ut ad sublimia emergerent. Tem-
perantiæ tribuunt modicum illud ardoris,
quo ad voluptates seftandas feruntur; li-
cet hujus rei alia causa non sit, nisi, quod
pleræque oblectationes carò nimium con-
stent, majusque è sua indolentia, & desi-
dia gaudium capiant. Desidiosus, inquit
Spiritus sanctus, vituperat desiderium, quo
alij bona congerendi flagrant. Hoc verò
non oritur inde, quod ea minus amet, sed,
quod otiosam quietem eis præhabeat. I-
gnavus, inquit Sapiens, quædam fatuorum
est species, quæ otio se dedit, nec bona ac-
quirere studet, sub obtentu, tranquillam Stultus com-
plicat ma-
paupertatem abundantia, quæ labore con-nus, dicens :
melior est
stat, præferendam esse.

III. Effectus acedie sunt 1. Timor im-
moderatus difficultatum, quæ in virtutis requie, quæ
exercitio inveniuntur. 2. Ingens à pleris-plena ultra-
que medijs, quæ salutem accersere nobis que manus
possunt, aversio, idcirco, quod laborem cum labore.
Eccl. 4.
exigant. 3. Ignavia, & timiditas superba, v. 5. & 6.
quæ nos impedit, quod minus naturæ dona
utiliter impendamus, veriti, ne res opta-
cum exitum non sortiatur. 4. Magna le-
vitas omittendi functiones suas summè
necessarias, obtenta levissima causa, &
difficultate; &, si vel inviti ijs nos addice-

October.

re cogamur, misera socordia, qua illas obimis. 5. Inconstantia quædam assidua in bonis propositis; quia minimas etiam difficultates horremus. Hinc Spiritus sanctus ait: *Vult & non vult piger.* 6. Immoderata diffidentia de nobis ipsis, quam aliquoties humilitatem interpretamur, quod potius meminerimus imbecillitatis nostræ, quam potentiae divinæ, qua non satis nitimur. Denique venimus aliquoties usque ad salutis nostræ desperationem, quam velut impossibilem spectamus. Et verò ijs, qui salutem suam promovere cupiunt, dici potest, quod Judas Machabæus militibus suis dicebat: si quis hic invenitur ignavus, aut timidus, ante prælium hinc discedat; aptus enim nobis non est. Ut salutem æternam consequamur, necessarium est violentos animi motus vincere, grandes difficultates superare, functiones operosas obire. An totum hoc convenit cum ignavia, & desidia?

Examina te, ut videoas, quantum tibi hujus vitij adhæreat, & quos effectus in te proferat, ut ijs medearis.

Vult, & non vult piger: anima autem operantium impinguabitur. Prov. 13. 4.

Noli esse piger, noli breviter laborare: æternam vitam datus est tibi Deus.

Aug. Serm. 2.

DIES.